



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTRZ 0002566 11
Sarajevo, 26.12.2025. godine

SUD BOSNE I HERCEGOVINE
Sudiji za prethodno saslušanje

Na osnovu odredbi člana 35 stav 2 tačka i), člana 226 stav (1) i člana 227 Zakona o krivičnom postupku Bosne i Hercegovine podižem:

OPTUŽNICU

PROTIV:

1. **Talić Nesiba**, rođen 1955. godine u Travniku, državljanin Bosne i Hercegovine;
2. **Karalić Jusufa**, rođen 1954. godine u Zenici, državljanin Bosne i Hercegovine;
3. **Delalić Našida**, rođen 1951. godine u Travniku, državljanin Bosne i Hercegovine,
4. **Sarajlić Sabahudina**, rođen 1967. godine u Busovači, državljanin Bosne i Hercegovine,

Što su:

Za vrijeme rata i oružanog sukoba u Bosni i Hercegovini, između pripadnika Hrvatskog vijeća odbrane, s jedne strane, i pripadnika Armije RBiH, s druge strane, na području opštine Zenica u periodu od januara 1993. godine pa do kraja marta 1994. godine Nesib Talić u svojstvu pomoćnika komandanta za bezbjednost 7. Muslimanske brigade, Jusuf Karalić u svojstvu komandira voda vojne policije 7. Muslimanske brigade Armije RBiH, Našid Delalić u svojstvu pripadnika voda vojne policije 7. Muslimanske brigade i Sabahudin Sarajlić u svojstvu pripadnika voda vojne policije 7. Muslimanske brigade, postupali protivno pravilima međunarodnog humanitarnog prava kršeći odredbe zajedničkog člana 3 stav (1) tačka a) i c) Ženevske konvencija o zaštiti građanskih lica li vrijeme rata od 12. avgusta 1949. godine i člana 4 Dopunskog protokola II uz Ženevske konvencije od 12. avgusta 1949. godine o zaštiti žrtava nemeđunarodnih oružanih sukoba, prema zarobljenim civilima hrvatske i srpske nacionalnosti u prostorijama Muzičke škole u Zenici koja je služila kao zatočenički objekat, pa su tako:

Talić Nesib,

- [illegible]

Karalić Jusuf,

- 3

vojne policije koji su ih tom prilikom jako udarali šakama, nogama, gumenim palicama po cijelom tijelu, pa su od jačine tih udaraca padali na pod nakon čega su ih oni podizali i nastavili udarati, a potom bi ih odoveli u podrumsku prostoriju gdje su boravili zajedno sa drugim zarobljenicima u pretrpanom prostoru u nehumanim uslovima, gdje im je na nehuman način uskraćivano zadovoljenje osnovnih životnih potreba, kao što su adekvatna prehrana, voda, odjeća, gdje im je izlazak u toalet praćen realnim strahom od premlaćivanja, da bi tokom boravka zarobljenika u tom objektu jednog po jednog odvodili na ispitivanje u jednu kancelariju na spratu škole u kojoj je bilo nekoliko njemu podređenih pripadnika voda vojne policije kao i „(...)“ koji je obnašao dužnost referenta za bezbjednost 7. Muslimanske brigade, gdje su ih ispitivali vezano za naoružanje HVO-a, kao i gdje su im položaji i komanda, pa su ih tokom ispitivanja, koje bi trajalo oko pola sata, prisutni njemu podređeni vojni policajci jako udarali po čitavom tijelu nogama, šakama, kundacima pušaka, drvenim štapovima, gumenim pendrecima i električnim kablovima od kojih udaraca su krvarili iz nosa, imali otekline u predjelu glave kao i masnice po čitavom tijelu, a da nakon toga nikome od njih nije pružena medicinska pomoć, nakon čega su ih pojedinačno vraćali i zatvarali u podrumsku prostoriju, u koju bi svakodnevno pripadnici voda vojne policije u bilo koje doba dana i noći ulazili i zarobljenike jako udarali nogama, šakama i gumenim palicama, drvenim štilima uz stalne prijetnje da će ubiti njih, kao i članove njihove porodice, psujući im „ustašku majku“, a u drugoj polovini mjeseca aprila 1993. godine od strane jednog pripadnika voda vojne policije iz podrumске prostorije izveden zarobljenik „(...)“ u dvorište ispred Muzičke škole i tom prilikom dobio je krampu i lopatu sa naredbom „iskopaj sebi grob“ nakon čega je vraćen u podrumsku prostoriju, na koji način su im takvim radnjama nanosili snažne tjelesne i duševne bolove i patnje, te u drugoj polovini mjeseca aprila 1993. godine zarobljenik „(...)“ nakon ispitivanja doveden je ispred ulaza u podrumsku prostoriju, kojom prilikom je iskoristio nepažnju pripadnika voda vojne policije i pokušao da pobjegne iz prostorije Muzičke škole, da bi ga ispred ulaznih vrata stigla dva nepoznata pripadnika voda vojne policije i tom prilikom iz automatske puške pucali u njegovom pravcu i ubili ga, a potom njegovo tijelo odvukli u nepoznatom pravcu, koje tijelo je dana 21.04.1993. godine pronađeno u mjestu Vranduk u blizini rijeke Bosne, dok je zarobljenik „(...)“ u drugoj polovini mjeseca juna 1993. godine vraćen sa ispitivanja u podrumsku prostoriju i od zadobijenih povreda je bio u teškom fizičkom i psihičkom stanju, usljed čega nije mogao ni ustajati ni govoriti, a što je za posljedicu imalo da je isti i preminuo čije tijelo su pripadnici voda vojne policije odnijeli u nepoznatom pravcu, a koje tijelo je ekshumirano dana 29.04.2004. godine na lokalitetu Prašnica, područje opštine

Zenica, te je tako kao nadležni vojni starješina za radnje koje su preduzimali njemu podređeni pripadnici voda vojne policije, nad kojima je imao pravnu i faktičku vlast u okviru svojih ovlašćenja komandira, propustio preduzeti nužne i razumne mjere da spriječi djela njemu podređenih i da izvršioce kazni, na koji način je doprinio stvaranju spoznaje i uvjerenja kod njemu podređenih vojnih policajaca da je takvo postupanje dozvoljeno i nekažnjivo.

Našid Delalić, u svojstvu pripadnika voda vojne policije 7. Muslimanske brigade sam,

3. Dana 23.04.1993. godine u večernjim satima, nakon što je jedan pripadnik voda vojne policije iz podrumske prostorije Muzičke škole u Zenici izveo zarobljenika „(...)“ i odveo ga na sprat škole gdje mu je naredio da očisti jednu učionicu i kada je oštećeni postupio po naređenju u tu prostoriju je ušao Našid Delalić i odmah ga počeo jako udarati gumenom palicom po glavi i u predjelu leđa od kojih udaraca je pao na pod, a potom mu je naredio da ustane pa kada je oštećeni ustao nastavio je na isti način jako udarati u predjelu glave i leđa, a sve to trajalo je oko desetak minuta, nakon čega je oštećeni vraćen u podrumsku prostoriju, nanoseći mu na taj način snažan tjelesni i duševni bol i patnju.

Našid Delalić, u svojstvu pripadnika voda vojne policije 7. Muslimanske brigade, zajedno sa drugim njemu poznatim pripadnikom voda vojne policije,

4. Dana 29.04.1993. godine ili približno tog datuma u poslijepodnevним satima njemu poznati pripadnik voda vojne policije 7. Muslimanske brigade iz podruma Muzičke škole u Zenici izveo je zarobljenika „(...)“ i odveo ga na sprat škole gdje mu je naredio da pospremi jednu prostoriju u kojoj su pripadnici voda vojne policije ručali, pa kada je ušao u tu prostoriju zatekao je izvjesnog „(...)“ i Našida Delalića, da bi potom izvjesni „(...)“ počeo da galami na njega govoreći mu „*Majku ti ustašku, hoćete Herceg-Bosnu, šta vi hoćete*“, a potom ga šakom udario u predjelu stomaka i nogom u genitalije, nakon čega je Našid Delalić uzeo gumenu palicu i više puta ga jako udario u predjelu leđa i glave da bi oštećeni od tih udaraca pao na patos, pa su ga nastavili jako udarati nogama obuvenim u vojničke čizme po čitavom tijelu, da bi mu nakon dvadesetak minuta udaranja naredili da se podigne pa pošto nije mogao da ustane od posljedica zadobijenih udaraca oni su ga podigli i doveli do

stepenica koje vode u podrumsku prostoriju gdje ih je sačekao jedan njima poznati pripadnik voda vojne policije, koji ga je jako udario drvenim štilom po leđima od kog udaraca je pao na pod i potom ga je dovukao do podrumске prostorije i ubacio unutra, nanoseći mu na taj način snažan tjelesni i duševni bol i patnju.

Našid Delalić, u svojstvu pripadnika voda vojne policije 7. Muslimanske brigade, zajedno sa drugim njemu poznatim pripadnikom voda vojne policije,

5. Dana 04.05.1993. godine u večernjim satima četvorica pripadnika 7. Muslimanske brigade došla su pred kuću „(...)“ i bez saopštavanja razloga dolaska i razloga lišenja slobode istog su lišili slobode i kombijem ga dovezli do Muzičke škole u Zenici a potom ga uveli u školu i povelili niz stepenice do podrumске prostorije, da bi ga u momentu silaska jedan pripadnik voda vojne policije drvenom motkom jako udario po genitalijama, a kada je doveden pred ulaz u podrumsku prostoriju Našid Delalić ga je kundakom puške jako udario u predjelu donje vilice koja je od jačine udarca pukla i izbijeno mu je nekoliko zuba i pao je na patos, da bi ga potom uvukao u podrumsku prostoriju i nogom ga još nekoliko puta jako udario u predjelu genitalija, na koji način mu je nanio snažan tjelesni i duševni bol i patnju.

Sabahudin Sarajlić, u svojstvu pripadnika voda vojne policije 7. Muslimanske brigade, zajedno sa drugim njemu poznatim pripadnicima voda vojne policije,

6. Dana 22.04.1993. godine u večernjim satima njemu poznati pripadnik voda vojne policije 7. Muslimanske brigade izveo je iz podrumске prostorije Muzičke škole zarobljenika „(...)“ i istog odveo na ispitivanje u jednu prostoriju na spratu škole gdje ga je „(...)“, referent za bezbjednost, ispitivao u vezi borbenih položaja HVO-a i njegovog ličnog angažmana u HVO-a pa kada bi dao odgovor Sabahudin Sarajlić zajedno sa drugim njemu poznatim pripadnicima voda vojne policije, gumenim palicama ga jako udaraju u predjelu leđa, šakama u predjelu zatioka glave, kao i nogama po čitavom tijelu od kojih udaraca je više puta padao na pod, te bi ga potom dizali i nastavljali udarati, da bi u jednom momentu od jačine udaraca kratko izgubio svijest, nakon čega su ga polili vodom pa kada se osvijestio nastavili sa ispitivanjem i premlaćivanjem na isti način, a sve to je trajalo oko pola sata, a nakon toga su

ga izvukli iz prostorije i niz stepenice dovukli do podrumске prostorije, na koji način su mu nanijeli snažan tjelesni i duševni bol i patnju.

Našid Delalić i Sabahudin Sarajlić, u svojstvu pripadnika voda vojne policije 7. Muslimanske zajedno,

7. Dana 23.04.1993. godine u večernjim satima u podrumsku prostoriju Muzičke škole ušli su Delalić Našid i Sarajlić Sabahudin zajedno sa još dva njima poznata pripadnika voda vojne policije i svi su u rukama nosili drvena štila kojim su odmah po ulasku počeli nasumice da udaraju zarobljenike, među kojima su bili „(...)“, „(...)“, „(...)“, te im potom naredili da sjednu na pod, nakon čega su ih nastavili jako udarati drvenim štilima u predjelu leđa, glave i drugih dijelova tijela, a sve je to trajalo oko pola sata, nakon čega su napustili podrumsku prostoriju, nanoseći im na taj način snažan tjelesni i duševni bol i patnju.

Dakle, za vrijeme rata i oružanog sukoba kršili pravila međunarodnog humanitarnog prava,

Čime su počinili krivično djelo i to:

- **Talić Nesib** - pod **tačkom 1.** počinio krivično djelo - Ratni zločin protiv civilnog stanovništva iz člana 173. stav (1) tačke c) i e) Krivičnog zakona BiH, u vezi sa članom 180. stav 1. i članom 21. stav 2. Krivičnog zakona BiH, a sve u vezi sa članom 29. Krivičnog zakona BiH;
- **Karalić Jusuf** - pod **tačkom 2.** počinio krivično djelo - Ratni zločin protiv civilnog stanovništva iz člana 173. stav (1) tačke c) i e) Krivičnog zakona BiH, u vezi sa članom 180. stav 2. Krivičnog zakona BiH;
- **Delalić Našid** - pod **tačkom 3., 4., 5. i 7.** počinio krivično djelo - Ratni zločin protiv civilnog stanovništva iz člana 173. stav (1) tačke c) Krivičnog zakona BiH, u vezi sa članom 180. stav (1) Krivičnog zakona BiH, a u odnosu na tačku **4., 5. i 7.** i u vezi sa članom 29. istog Zakona;
- **Sarajlić Sabahudin** - pod **tačkom 6. i 7.** počinio krivično djelo - Ratni zločin protiv civilnog stanovništva iz člana 173. stav (1) tačke c) Krivičnog

zakona BiH, u vezi sa članom 180. stav (1) Krivičnog zakona BiH, a sve u vezi sa članom 29. istog Zakona.

TUŽILAC
TUŽILAŠTVA BOSNE I HERCEGOVINE